

quia super pauca fuisti fidelis, supra multa te constituam, intra in gaudium domini^a 793—796
tui'. Quid hac voce iocundius? quid hoc auditu beatius?

Ut^{a*} hanc vocem audire merearis, carissima soror, omni^b instantia tibi subiectos^c
instrue, verbis ammone^d, exemplis erudi^e; quia illorum salus tua est remuneratio.

5 Noli propter hominis terrorem tacere; sed propter Dei amorem loquere, argue, increpa, 2. Tim. 4, 2.
obsecula. Publice^f peccantes palam castiga^g, ut ceteri timorem habeant. Alios in 1. Tim. 5, 20.
spiritu mansuetudinis ammone, alios in virga pastoralis corripe; diligenter considerans,
quid cui conveniat. Quidam itaque malannus^h morbi per dulcia, quidam per amara
sananturⁱ pocula. Anus et senes quasi matres et patres^{i*} honora; iuvenes quasi fratres
10 et sorores dilige; minores aetate quasi filios filiasque erudi; et omnium curam habeto
in Christo, ut omnium mercedem habeas a Christo.

Fidelis vero dispensator^k pecuniam domini sui, id est animas sibi commissas,
augere studeat per diligentiam, non minuere per pigritiam. Quia servus bonus coro-
nabitur a domino suo, malus vero damnabitur; sicut in evangelio dici^l a legentibus^m
15 intellegi potest. Tu vero labora diligentissime in opereⁿ Dei, ut retributionem magnam
accipias in regno Dei. Elimosinae tuae praecedant te et viam tibi faciant. Munera
enim dilatant viam hominis et spatium ei ante principem faciunt^o. Hospites et pere- Prov. 18, 16.
grini sumus in hac terra; patria nostra in caelo est. Non est bonum transitoria diligere Hebr. 11, 13.
et sempiterna negligere. Unusquisque, sicut operabitur, sic accipiet a Deo suo, qui Matth. 16, 27.
20 reddet unicuique secundum opera sua.

Vigiliae et orationes tibi sint frequentes; et psalmodia in ore, non vaniloquia in
lingua; et dilectio Dei in corde, non ambitio saeculi in mente. Praeterit enim quic-
quid amatur in mundo; permanet quicquid diligitur in Christo. Volentes nolentes
aeterni erimus. Omni intentione studeamus, ut fideliter vivamus, ubi semper man-
25 suri erimus.

Sanctorum festivitates cum laude divina et pauperum elymosina frequenter honora,
quatenus eorum^p merearis intercessione illorum esse particeps beatitudinis. Sint^q tibi
sermone veritate laudabiles; sint mores sobrietate et modestia amabiles; sint^r manus
largitate honorabiles^s. Sit totius vitae conversatio exemplum in omni bonitate aliis^t;
30 ut dignitas personae tuae laudetur ab omnibus, ametur a pluribus, et per te Dei
nomen glorificetur; ipsa dicente veritate: 'Sic luceat lux vestra coram hominibus, ut Matth. 5, 16.
videant opera vestra bona^u, et glorificent patrem vestrum, qui in caelis est'. Magnum
habemus patrem, Deum scilicet omnipotentem. Quam nobilis in moribus, quam mo-
destus in verbis, quam castus in corde, quam misericors omnibus debet esse filius
35 Dei; ipso praecipiente: 'Estote misericordes, sicut et pater vester caelestis misericors Luc. 6, 36.
est'. Imitemur, quantum poterimus, illius bonitatem, ut aeternam beatitudinem cum
illo habere mereamur. Ait enim non solum apostolis, sed etiam et nobis: 'Exemplum Ioh. 13, 15.
enim dedi vobis, ut^v, quemadmodum ego feci vobis, ita et vos faciatis'; item: 'Qui Ioh. 8, 12.
sequitur me, non ambulat in tenebris, sed habebit lumen vitae'. Quid superbit homo^w
40 in saeculi divitiis? Christus pauper factus est pro nobis, ut per illius paupertatem, 2. Cor. 8, 9.
quam pro nobis accepit^x in terra, nos divites essemus in caelo.

Cito enim putrescit caro in terra, quam tanta diligentia ornamus in deliciis^y.
Insuper et de sepulchro cogitatur^z ornando. Vanitas haec vanitatum est. Melius est Eccl. 1, 2.
his opibus animam vestire quam spurcitiam carnis ornare. Christus sepultus est in

45 a) dei add. Q. a*) In T. b) omnia T. c) subiectus T. d) admone T. e) erudire T; corr. in
erudi Q. f) publice T. g) castige T. h) om. Q. i) sanantur T. i*) patr. et matr. Q. k) dispen-
satur T. l) dicit T; om. Q. m) intelligentibus add. Q. n) honore Q. o) facient T. p) illorum Q.
q) Sunt T. r) sit T, Q. s) honorabilis Q. t) aliis aliis T, Q. u) ut videant opera vestra bona
iterum add. T. v) et T. w) et cinis add. Q. x) accipit T. y) deliciis T. z) cogitamus T.